

۷ شوال ۱۳۳۱

پنجشنبه

۲۴ تشرین اول ۱۳۲۹

عدد — ۶۹

امور اداره و تحریریه و اعلانات و ساثره
ایچون مدیر مسئوله مراجعت ایدملیدر.

عراقی امتک مقالات متصوفانه لرینه
جریده صوفیه تک صحیفه لری
آچقیدر .

جریله صوفیه

شیمدیلک هفته ده بر نشر اولنور .

نسخه سی ۴۰ پاره در

ابونه سی : بر سنه ک اعتبارله ممالک
عثمانیه ایچون ۴۰ آلتی آبلغی ۲۵ فروش
وممالک اجنبیه ایچون اون ایکی فرانقدر

حل اداره باب عالی جوارنده ابوالسعود
جاده سنده نجم استقبال مطبعه سی

تصوفی ، دینی ، اخلاقی ، سیاسی جریده اسلامیه در

اشك چشممندن جهان سرنا بیا غرقاب ایکن
عالمی غرق ایتماشدی ابر طوفانزا هنوز
کوکلی تنور ایدردی طلعت وجهك سنك
صلاماشدی ارضه پرتو ، مهر فیض آرا هنوز
دشت غمده بن سنك عشقکله سرکردان ایدم
قیس لیل اولاماشدی عشق ايله شیدا هنوز
کوی باری دور ایدردم طورمیوب پروانه وار
آلاماشدی امر دوری قبه مینا هنوز
دل ، تجلیزار انوار جمال الله ایدی
عازم طور اولاماشدی حضرت موسی هنوز

بن سنك قربان بسملكاه امرکدم مطیع
ایتماشدی جسم اسماعیلی جان ، احبا هنوز
آبه نحویل ایلمشدم بن شراب ذوقکی
عالم امکانی تشریف ایتمدن عیسی هنوز
دخروشان بن شهید عشق ایدم غلطان خون
ترك جان ایتمش دکلدی حضرت یحیی هنوز
عشق صهباسیله سرمت جمال بار ایدم
یوقدی حور وحوض کوثر ، جنت علیا هنوز

ر . و ح بی

غزل:

لقای حضرتی ایسته اکر مکرّم ایسهك
صفای جنتی ترك ايله ابن آدم ایسهك
بهشتدر کوزم عین مقام حورالعین
دو کول بونار ايله ای اشك سن جهنم ایسهك
عوالم خرد افروز عشقه منجذب اول
فضا ایچیزده اکر سن دخی بر عالم ایسهك
کل ای حکیم ویر پیام کندگدن
نہا نخانه اسرار عشقه محرم ایسهك
ابرشدیرر سنی مهرک سای عرفانه
بو کاستانده احسان مثال شبنم ایسهك


طربزونی حامی زاده احسان

نعت شریف

کوکل اشتیاقکله نهایل ایدر آنی شوقی همراز جبریل ایدر
کورک مصحف قاب دیدارکی همان آیت نوری ترنیل ایدر

نه حاجت دیکر سوز که مولاسنك
او وصف ابد بایرداری بینه
لب کائنات احترامات ايله
خدا زبده حسن وعشق سنك
حبیب نجیب خدا مرحبیا
سنی قدسیات کوکده تقدیس ایدر
جمالکله تشکیل ترنیل ایدر
دیر ازل زین انجیل ایدر
غباردر عشق تقبیل ایدر
مبارک وجودکله تمثیل ایدر
کوکل اشتیاقکله نهایل ایدر
بو تون خاکیان برده تجیل ایدر
طربزونی حامی زاده

احسان



محررین عثمانیه دن مصطفی فوزی افندی به:

« جریده صوفیه » واسطه سیله

عبون آرای حیرندر فیوض کلاک پر نورک
نی جوشه کنیردی دین یولنده موفورک
نه حکم وقوتی واردر حضور دین احمدده
محیط اکبر اعجازینک حیرانی بر مورک
نه ممکن ایلک تصویر ، بتون علویتین حقا
او بر احسانیدر ارضه ، جناب رب مشکورک
دیار غربی کزدم ، حیرت جالب نهلر کوردم
نیچه احوالی دلسوزدر ، بینه بو سمت معمورک :
نهدر ؟ بو حرص واسترقاب ، شناختلر ، جنایتلر
نصابی فتخش وعشرتدر ، اذاندن دور مهجورک
باقوب آلدانه شکل ظاهری آلایش غریبه
دل مجروحده هیجدر ، اغمه سی ، آهنگی بر سورک
اکبر بزده چالشسحق روزوشب سی ومهلله پ
جهانی غرق نور ایلر ضیایی دین مبرورک
چالشمزسحق اسارتلر ، فلاکتلر محققدر :
بودر امنیه سی مردم ، بتون اعدای پر شورک
فلاحک . صدری اخلاص ايله حق عبادتدر
اودر خلاق کلیدر بو ، جهان غیر محصورک
شموس دین حق پرتو نشاردر حشره دک لاشک
نصبی قهر وخسراندر ، بتون بی دین ومغرورک
کریم الله سکا بخش ایلسون هر نصرتی ، (فوزی)
بودر ورد دعایی (سرمد) مختار ، سرورک
کوزتیه ۱۴ تفرین اول ۲۲۹ بازار ابرنی
احمد مختار